



浙江圖書館





浙江圖書館





浙江圖書館





浙江圖書館



增修埤雅廣要卷第三十八

氣化門

秀水卜世昌男卜不遲全校

地化類

泉化醴

地出醴泉禮運王者政平醴泉湧出

泉化酒

酒泉郡城下有金泉味如酒

漢地理

泉化乳

南劔州天階山乳泉服之登山嶺如飛

寰宇記

井化酒



常德府城外十五里地名河湫有崔婆者賣茶  
爲活遇有僧道過必施與之一道人往來凡十  
餘次崔婆與茶無厭道人曰我欲使汝改業賣  
酒如何崔婆喜道人以杖拄地清水迸出崔婆  
取之以歸味如酒濃而香買者如市若他人汲  
之則常品水也崔大享其利道人重來崔婆謝  
之云只恨無糟養猪道人怒其貪以杖拄泉則  
無復酒味矣其井至今尚存

石出髓

嵇康遇王烈共入山烈見石裂得髓食之因携



少許與康已成青石擊之瑁瑁再往視之鬪山  
復合仙經云神仙五百年一開石髓出服之與  
天齊壽

石流血

三齊略記始皇作石橋欲過海看日出處有神  
人驅石下海石不速去神輒鞭之石皆流血

石點頭

僧生公講經於虎丘寺人無信者乃聚石爲徒  
與談至理石皆點頭

石有言



晉有石言晉侯問師曠對曰石不能言或憑焉  
抑聞作事不時小民怨讟則有非言之物而言  
左昭四年又晉劉曜時有石言於陝若言勿東也

石共語

庾信至北方惟愛温子昇韓山寺碑曰惟此片  
石堪共語餘皆驢鳴犬吠爾

石化虎

李廣夜見草中石以為虎射之没羽視之石也  
復射終不能入矣

石化玉



石化玉卽設義漿種石子成玉事詳見雍伯壁

### 石化羊

神仙傳黃初平年十五牧羊有道士將至金華山其兄初起覓道士求弟旣見問羊何在初平曰羊近山東初起曰不見初平叱之羊起皆白石耳

### 陸沉刹

大隋者成都古天彭之西嶺名刹昔神照大師演大宗乘燒蛇于此時有一白蛇纏錫不就爇師曰做這箇形骸猶不肯捨乃於七佛數後卓



錫為井井上立廟名曰白龍君國朝正統十二年歲在戊辰六月二日井水忽自湧出須臾大至樓殿震動僧方擊鼓號鍾以警有眾見其勢不可遏遂攀岩緣木奔騰四走及回視之前後樓殿周環廡宇悉皆陷沒惟溷廁在山側不與泯焉

地陷座

桓玄篡二年九月冊命玄為相國總百揆封十郡為楚王加九錫十二月玄即皇帝位玄入建康宮登御坐而牀忽陷羣臣失色殷仲文曰將



由聖德深厚地不能載玄大悅辛亥玄遷帝於  
尋陽

地產毛

元運之將終也地產白毛如銀線

地湧山

新豐有山從地湧出武后解易名曰慶山縣俞  
文俊上書曰天氣不和寒暑併人氣不和贅疣  
生地氣不和埴阜出

地降山

郊邑曠有牧地一夕風雨暴至黎明有山充刃



其處居氓往藪蕘焉忽見一仙姝謂曰我青女  
神也奉帝命血食此方歸語爾宰宜以山至之  
日祠我言訖而隱

岸爲洲

殷仲堪晉人見流棺葬焉旬日門前溝忽起爲  
岸其夕有人自稱徐伯玄云感君之惠無以報  
也水岸爲洲君將爲州矣果任荊州都督軍事

冥行錄

宋張興世初生門前水中忽起洲及爲方伯洲  
至十餘頃

史



海變田

麻姑謂王方平曰見東海三變為桑田向到蓬萊水淺於往者略半也東海行復揚塵乎

神仙傳

水漂山

史成紀山一夕大水漂流六十里居氓宅墓往焉又中山靖王傳曰衆煦漂山煦之為言烝也溫潤之也

神移山

太行王屋二山高萬仞愚公九十面山居惡而將移之山神懼告帝帝命夸娥氏二子負山一



措朔東一措雍南

愚公曰我死有子子又生孫而山不加增何苦

而不平 列湯問

靈擘山

王涯太華仙掌辨云昔河自積石出於西流既  
越龍門遂弭南馳者千數百里折波左旋將走  
東溟連山塞之壅不得去有巨靈於此力擘而  
剖其中距而北者為首陽絕而南者為太華自  
此泄其掌跡猶存

鰲戴山



策疆使巨鰲十五舉首戴海東五山

鰲冠山

東海鰲冠蓬萊游滄溟垤蟻曰彼冠山何異我  
戴粒逍遙於封壤之巔伏乎窟穴也

符子

山為池

史元統二年八月京師地震雞鳴山崩陷為池  
方百里人死者甚眾

人化類

男化女

宋都城有賣青果男子孕而誕子蓐母不能收

浙江圖



易七人始免而逃

女化男

燕有女子化爲男燕主以問羣臣傅權對曰西漢之末雌雞化爲雄猶在王莽之禍況今女化爲男臣化爲君之兆也趙宋徽宗時有酒肆朱氏子其妻忽生髭其人可四十餘髭髯長僅六七寸疎秀甚美宛然一男子特詔度爲女道士

人化龍

張公諱路斯爲宣城令夫人石氏生九子張公釣於焦氏臺歸則體常濕而寒夫人問故曰戕



龍也蓼人鄭祥遠亦龍也與我爭釣處寶殿明  
日當戰使九子助我我領絳綃鄭青綃明日射  
青綃中之九子皆化爲龍

坡作碑云

### 神化龍

士有謁京師龍母廟者見塑像美姿容悅之意  
謂他日居官安得良匹若是出將乘馬忽見蛇  
蟠于鞍方駭之乃轡也後獲美除至中道宿旅  
邸見舍後簾箔內處女往來須臾主人出款敘  
寒暄詢動履乃許以姻好遂諧伉儷之任所二  
載生二子有從婢擔水常棄後桶不食一日與



婢入室忽雷電大至化為二龍而去

鶴林玉露

女化龍

扶風馬孺子戲郊亭上有奇女墮地光曄少年  
駭且悅之女怒曰故居鈞天帝言吾心侈大被  
謫七日當復故處至期化為白龍而去

柳文

女化蠶

蜀有蠶女父被掠母誓曰得父者以女妻之馬  
驚躍而去數日父乘馬歸馬嘶鳴不已父曰人  
非彼類乃殺馬曝皮於庭皮捲女飛去旬日皮  
復棲桑上女化為蠶食葉吐絲蜀人塑女為祠



謂之馬頭娘以祈蠶

圖經

### 女化蟬

董仲舒答問書曰齊王之后怨王而死尸化爲蟬登樹而鳴故蟬名齊女書

### 女化蛇

臨川民家生一女甚慧黠年十三死瘞于流臺白塔之側有大菌生于塚上蒂長尺許狀如蓮衆神之稱曰佛女有一士人過之言于衆曰下必有怪物衆掘之剖棺見巨蟒在衣衾上不復有女子其母云孕此女時寢夢間屢見巨蟒來



地羽廣要 卷三  
觸幃帳呼燈視之寂無所有今方知是怪物也

人化鶴

遼東華表柱忽有鶴集其上曰有鳥有鳥丁令威去家千年今始歸城郭如故人民非何不學仙冢累累

仙化鶴

蘇耽煉丹投井中令人飲水食橘葉功成仙去後有白鶴止郡城東北樓人以弓丸彈之不少動乃以爪攫樓板似漆書云城郭是人民非三百甲子今來歸我是蘇仙君爾彈我何爲

神仙傳







間不覺兩手挈地而步視左右股有班毛以手  
捫面亦有毛矣是夜宿岩下次日渴甚乃飲于  
溪見形乃虎矣遇人畜則皆搏而啗之一日御  
史李儼奉使嶺表路經其處驛吏曰此去八九  
里兩山之間小溪之曲有虎多傷物山後路迂  
然無患也儼曰吾銜王命而避虎耶乃鞭馭而  
行至溪曲虎忽躍出復返草中而人語曰幾傷  
故人儼曰君非李微乎荅曰是矣儼乃下馬呼  
與道疇昔塲屋之事里閭舊故之情虎慚異類  
但匿草中荅之云云語意甚悉及將敘別虎曰



吾爲詩一篇蓋欲表吾外雖異而中不異述吾  
懷而攄吾憤也其詩曰偶因狂疾成殊類災患  
相仍不可逃今日爪牙誰敢敵當時聲跡慢相  
高我爲異物蓬茅下君獨乘輶氣勢豪此夕溪  
山對明月不成長嘯但成嗥儼命吏錄之拜別  
上馬而去百餘步上小山回視草中虎悲泣不  
忍聞儼亦大慟後使輶乃由他道而歸

妻化猿

孫恪妻袁氏女育二子後挈家過端州袁欲遊  
峽山寺云舊老門徒旣至若熟其路持碧玉環



獻僧有野猿數十聯臂而下袁惻然題云不如  
逐伴歸山去長嘯一聲烟霧深擲筆為猿而去  
老僧方悟昔養猿高力士以束帛易之以碧玉  
環隨猿頸而去

人化熊

左傳昔堯殛鯀于羽山其神化為黃熊以入于  
羽淵實為夏郊三代祀之

人化石

初學記劉義慶幽明錄曰武昌北山上有望天  
石狀若人立古傳昔有真婦其夫從征役遠赴



國難羸弱子餞送此山立望夫而化爲石因以爲名

仙化羊

曹操出近郊慈賚酒一升脯一斤手自斟酌百官醉飽操恠之使視諸壚悉皆亡酒脯操不平欲殺之慈却入壁中不知所在或見於市捕之市人皆變形與慈同後人逢之又逐之走入羊羣操告之曰不復相殺試君術爾忽一老羝屈前膝人立語曰遽如許卽競往赴之羣羊數百皆變爲羝並屈膝人立曰遽如許遂莫知所取



童化雉

秦穆公時陳倉人掘地得物若羊非羊牽以獻

諸公道逢二童子童曰此名爲媪 云云媪復曰

彼一童名爲陳寶得雌者霸舍媪逐童子童化

爲雉飛入平林公大獵果得雉又化爲石置之

汧渭之間文公爲立陳寶祠時流星集若雄雉

列異傳

母化龜

江夏黃氏之母浴化而爲龜入于深淵後時出

見簪猶在首 後志



婦化驢

濟寧肥城縣張婆兒夫早喪與子張驢兒同活  
日則守筐續麻夜則變作白驢食人麥苗被麥  
主捉獲鎖項拽磨極其鞭撻旣放得歸呻吟而  
臥其子問之具以狀告後被人打死甚可怪也

人化豕

左傳齊侯游于姑棼遂田于具丘見大豕從者  
曰公子彭生也公怒曰彭生敢見豕人立而啼  
公懼墜于車傷足喪屨遇賊于門遂殺之

人化猿

云云





浙江圖書館



增修埤雅廣要卷第三十九

氣化門

秀水卜世昌男卜不遠全校

獸化類

虎化人

書

號州王城縣黑魚谷王用業燒炭於谷中有水  
方數步常見二黑魚長游於水上用伐木饑困  
遂宰食之其弟驚曰此魚乃谷中靈物兄柰何  
殺之有頃其妻餉之用運斤不已久乃轉面妻  
覺狀貌有異呼其弟視之忽祝衣號躍變爲虎  
焉徑入山時殺麀鹿夜擲于家如此二丘一日



地形履要 卷三十一  
昏暮叩門自名曰我王用也弟應曰我兄變爲  
虎三年矣何鬼假我兄姓名又曰我往年殺黑  
魚冥官謫爲虎因傷人又答余一百得復人身  
汝視予無疑也弟喜遽開門見一人頭猶是虎  
因怖死舉家叫呼奔避竟爲村人格殺之其妻  
屬驗其身有黑痣信王用也但首未變爾

猿化人

越王問范蠡手劍之術蠡曰臣聞趙有處女國  
人稱之王請問之王乃請女女將見王道逢老  
人稱曰袁袁公問女曰聞女善爲劍願一觀之



女曰妾不敢隱也惟公所試公卽挽林杪之竹似桔槔末折墮地女接取其末袁公操其本而刺女女因舉杖擊之公卽飛上樹化爲白猿

豕化人

書

濟寧肥城楊氏有女美姿容善歌唱手足俱猪形不能行步每用爪挾梳縮髻食飲不令人見無與爲偶其兄楊大郎遂從生男及女年八十餘每客官至隱而不出百計求一始識至元甲午方沒

狐化男



燕昭王墓有老狐化男子聽張華講說抱朴云  
狐壽八百歲至三百歲則化為人矣又云狐夜  
擊尾出火戴鬪髀拜北斗不墜則化為人矣

猿化叟

王緡少在嵩陽有四叟携榼來訪其名曰木巢  
南林大節孫文蔚石媚虬高談劇飲既醉俱化  
為猿而去

虎化石

張侍郎守鄆虎害物公令吏執符追虎虎熟視  
符啣符隨吏至府望公閉目蹲伏公數以罪達



之約三日出境不然盡殺虎乃去死於其地化  
爲石今呼爲石虎

禽化類

鶴化人

李衛公遊嵩山聞呻吟聲乃一病鶴曰我爲仙  
爲樵者傷脚得人血則愈乃鶴拔眼睫曰持此  
照之卽知矣李公自昧之乃馬頭也至浴所遇  
皆非全人或犬彘驢馬之類惟老翁是人公以  
告翁植臂出血公往濡在傷處鶴謝曰公卽爲  
宰相後當上昇鶴乃冲天去

逸史



雞化人

晉宋處宗置一長鳴雞牕間後雞作人語與處宗談論極有玄致處宗因此功業大進

幽冥錄

雉化僧

僧養一雉甚馴狎每聆僧談則伏座下一夕不食而斃僧夢往生山下檀越家驗之其兒脇下尚有翟羽一莖

雉化人

後漢裴安祖見鷲鳥逐一雉觸樹死安祖護視之良久乃甦放之夜夢人着綉衣向裴拜謝之



史

鶉化人

蔡君謨嗜鶉雀炙夜夢鶉化爲褐衣人以詩遺之曰食君數粒粟充君美中肉一美斷數命下筋猶不足口腹須臾間禍福相倚伏勸君戒勿殺死生如轉轂君謨遂戒不食

雉化石

見童化雉

雌化雄

漢元帝靈帝時有鷄異

詳後妖物類

鵲化印

詳異感類



鳩化鈎 詳異感類

蟲化類

龍化僧

由灌陽軍遡牛溪而行百里溪益遠而山益峻  
 及其源窮山峙地境幽絕人迹罕到邑士王趙  
 等世居之一日有僧至其乞食食訖假寐于磨  
 上齶齶有聲王出見龍蟠睡訝之既而求一袈  
 裟地及展衣覆其處募工匠為巨室遂陷為池  
 木葉入池即有鳥嚙而去之時以接骨方遺王  
 氏至今成都禱雨則必命王氏至潭乞水則雨



隨至名其池曰滋茂

龍化姥

李靖射獵山中宿一朱衣家夜半扣門急一老  
姥謂靖曰此龍宮也天符命行雨二子皆不在  
欲奉煩何如命取驄馬一小瓶戒曰馬躩嘶鳴  
取水一滴馬鬃上此一滴乃地下一二尺慎無  
多也既而電掣雲間連下二十餘滴夜半平地  
水二尺

龍化婦

唐人柳毅下第歸至涇陽見一婦牧羊曰妾洞



庭君小女嫁涇川次子爲婢所惑得罪舅姑毀  
黜至此敢寄尺牘於洞庭之陰有大橋樹君擊  
樹三當有應者毅如言見千門萬戶曰靈虛殿  
一人取書進之君泣曰老夫之罪使孺弱罹害  
言未畢有赤龍長萬丈摩天而去俄而祥風慶  
雲幢節玲瓏紅妝千百中有一人卽寄書者乃  
宴毅於碧雲宮辭去後再娶盧氏貌美曰予卽  
洞庭君子涇上之辱君能救之茲奉閨房永以  
爲好同歸洞庭莫知其迹

本傳

龍化叟



僧講經一叟來聽曰某山下龍也幸歲旱得聞  
來此僧曰能救旱乎曰上帝封江湖有水不得  
用僧曰此硯水可用乎乃吸水去是夕大雨悉  
黑水

龜化人

宋元君夢人披髮曰予爲清江使者被漁者預  
且得予元君召預且得五龜高五尺剝之以七  
十二鑽而無遺策仲尼曰能夢於元君不能避  
預且之網智能七十二鑽無遺策不能避剝腸  
之患

莊子



蛇化人

南方多蛇精嘗化爲人以呼行旅姓名若顧應  
之夜必至棲邸傷人土人養蜈蚣於枕中臥覺  
有聲則起枕放之蜈蚣乃疾馳蛇所能以氣禁  
之遂嚼其蛇腦

鮎化婦



李冲元嘗畜一鮎將烹之夜夢鮎化婦詣冲元  
曰妾腹中有子五千妾生五千子俱生妾死五  
千子俱死矣願原一命以活五千子命冲元覺  
而懼放之大江



蛇化劍

唐開元末靜江軍灘中雷公逐一黃蛇盤繞灘上視之得一銅劍其文曰許旌陽斬蛟第二劍

廣異記

互化類

魚化龍

三秦記大鯉魚登龍門化為龍不登者點額而還

龍化魚

陸機積薪下獲涸鯉作鮓以餉張華華曰此龍



地雅履要 卷三十九  
鮮也水噴之有五色光

張華傳

### 蛇化龍

李賀七歲韓愈皇甫湜過其家使賦詩援筆立  
就名曰高軒過其末云我令垂翅附冥鴻他日  
不羞蛇作龍

### 龍化蛇

續仙傳孫思邈嘗救一青蛇龍子也後爲龍王  
召至水府得龍宮藥方三千道作千金方三十  
卷俱非人世所有

### 鳩化鷹



鷹化鳩

爾雅鷹鷓鳩月令仲春鷹化爲鳩七月鳩化爲鷹格物論鷹鷓鳥金眼鈎觜鐵爪劔翮善攫搏廣志一歲爲黃鷹二歲爲執鷹三歲爲青鷹月令仲春之月鷹乃學習孟秋之月鷹乃祭鳥羽始行戮

記鷹化爲鳩然後設罽羅又草木疏鷓蟄後五日鷹化爲鳩

蛇化雉

晉武庫中蛇化雉 詳後野雉在庫



雉化蜃

蜃

時忍切

大蛤也蚌屬月令雀入大水爲蜃雀

入淮爲蛤雉入海爲蜃又蛇化爲蜃似蛟無足  
史天官書海旁蜃氣似樓臺蜃與蜃同古人多  
以蜃爲器

鱸化蛟



宋寶祐丁巳夏邵武軍管下市中有開食店者  
因買魚得一白鱸始則甚小極愛惜之每日飼  
以餅之屬逐日長大遂放於十字街巨井中越  
一年忽一日井內有火燄兩條射出井外衆窺



之乃自白鱣兩目中來而其身已如巨木矣因  
此淫雨不止天氣昏黑白鱣自井騰空而去井  
水迸漲四郊洪水驟至棟宇俱沒有人避水於  
高樓者皆聞空中有人喝云滿也未如是者二  
其時罹水厄死者甚衆

蛇化蜃



蛇化爲蜃似蛟無足許遜遇一少年自稱慎郎  
許君曰此蛟蜃之精謂施太玉曰彼化黃牛我  
化黑牛以手巾掛膊別之俄於龍沙洲見黑牛  
奔赴黃牛而來太玉揮劍中左股因投入城西



井中自井徑歸潭州先是化爲少年以珍寶數  
萬娶潭州刺史曹至女至是真君見賈曰聞君  
有貴婿慎郎乃蛟蜃老魅焉敢遁形蜃遂變本  
形爲吏所殺

犬化龍

宣和元年五月有龍見于京師茶肆傭晨興見  
大犬蹲榻傍近視之則龍也軍器作坊兵士取  
而食之逾五日大雨如注歷七日而止京城外  
高十餘丈帝懼甚命林靈素治水不驗遂命戶  
部侍郎唐恪決水下流入五丈河起居郎李綱



言國家都汴百五十餘年矣未嘗有此異夫  
不虛生必感召之災望求直言採而用之以答  
天戒詔貶綱一官與縣去

豕化龜

符子朔人獻燕昭王以大豕曰非大圜不居非  
人便不殮今年百二十矣人謂豕仙王乃命豕  
宰養之如不勝其體燕相謂王曰奚不烹之王  
乃命宰夫膳之夕見夢於燕相曰造化勞我以  
豕形食我以人穢吾患其生久矣仗君之靈得  
化吾生始得爲曾津之伯燕相遊乎曾津有赤



龜奉璋以獻

雀化蛤

六帖季秋雀入大水為蛤客有見雀浴于沙者  
良久而毛羽皆委于地曾不少動跡而視之則  
已化為蛤矣

蝗化蝦

馮援為武陵太守有蝗援振貧窮薄賦稅蝗入

海化為魚蝦

蟻化駒

蟻曰玄駒大戴記牛亨曰河內人見人騎馬數

浙

圖



十萬騎大如黍米以火燒之人皆成蚊蚋馬皆成大蟻故呼蚊蚋曰黍民蟻曰玄駒

古今注

### 雞化鸚

西子母夢翠鷄五色自空下化為鸚飛去生西

子翰府名談

### 鷹化鷺

孔帖中和四年臨淮漣水民家鷹化為鷺而弗能游鷹以鷺而擊武臣象也鷺雖毛羽清潔而飛不能遠無搏擊之用充庖厨而已

### 蠹化蝶



陸龜蒙橘之蠢大如小指首負特角身蹙然類  
蝨蟻而青翳葉仰嚙饑蠶之速不相上下人或  
振觸之輒奮角而怒氣色傑鶩一旦視之凝然  
弗食動明日復往則蛻為胡蝶矣

鼠化鴛

月令田鼠化為鴛

浙江圖

增修埤雅廣要卷第三十九

終



增修埤雅廣要卷第四十

氣化門

秀水卜世昌男卜不遺仝校

肉化類

黍化黿

初夏之衰也褒人之神化爲二龍以伺王庭而  
言曰余褒之二君也夏后卜殺之留之莫吉卜  
請其黍而藏之吉龍亡黍在櫝而藏之傳及殷  
周莫之發也厲王之末發而觀之黍流於庭不  
可除也王使婦人不幃而譟之化爲玄黿府之  
童妾未旣亂而遭之孕當宣王時不夫而育懼



而棄之時童諛曰饜弧箕服實亡周國有夫婦鬻是器者王使執而戮之逃於道而見鄉者後宮童妾所棄妖子夫婦哀其夜號而取之逸逃于褒褒媼有獄而入是女於王王遂置之棄女子出於褒是爲褒姒

血化泥

周末殺萇弘於蜀血碧色入地化爲碧玉數里內土皆青色故蜀有青泥坊

髮生蟲

士有飲酒而必飲油者醫恠之鍼藥罔療一日



泥飲過度隱几而睡鼻中有物繞出復縮者再  
須臾蟠于燈缸家人扶而避之以針刺蟲黎明  
視之則有兩黑睛雙角脊有黑文長尺許乃知  
爲誤食髮之所化蟲出而油不復飲食

肉化尸

王公直植桑百本以飼蠶利繭爲業時歲蠶老  
葉貴公直舉箔瘞之以貿葉錢入城市買猪首  
以歸至關門守者見荷囊有殷血發視之乃人  
首也執而核之莫有告詰之者公直曰是吾瘞  
蠶之過也迹其瘞所驗之則蠶已化爲尸體與



所荷付矣遂償之

鱠化魚

吳王食鱠餘鱠棄水中化為魚一名王餘魚

鱠化蝶

南孝廉善斫鱠其輕可飛忽化為蝴蝶飛去

鱠化泥

鱠取燒酒噴之移刻盡化為泥蓋土性之物  
易復性焉耳故食者宜知所忌

物化類

劍化龍



晉張華與豫章人

煥登樓仰觀煥曰斗牛之

間頗有異氣華曰是何祥也

劍之精上

徽於太華曰君言得之吾少時有相者告吾年

至六十位登三

之斯言當效歟

因問曰在何郡煥曰在豫章豐城華曰欲屈君

爲宰密共尋之可乎因許之華大喜卽補煥爲

豐城令煥到縣掘獄屋基入地四丈餘得一石

幽光燄非常有雙劍並刻題一曰龍泉一曰太

尚其夕牛斗間氣不復見煥以南昌西山北岩

土以拭劍光芒艷發遣使送一劍并土與華



自佩或謂煥曰得兩送一張公豈可欺乎  
本朝將亂張公當受其禍此劍當繫徐君  
爾靈異之物終當化去不久爲人服也華  
劍愛之常置坐右華以南昌土不如華陰  
報煥書曰詳觀劍文乃干將也莫邪何爲  
一雖然天生神物終當合耳因以華陰土一  
以煥煥使以拭倍益精明華誅失劍所在煥  
丁華爲州從事持劍行經延平津劍忽於腰  
躍出墜水使人沒水取之但見兩龍各長數  
八蟠縈有文章沒者懼而反須臾光彩照水波



浪驚沸於是失劍華歎曰先君化去之言張公  
終合之論此其驗乎

珠化龍

順宗時拘弘國貢履水珠色類鐵持入江海可  
行於洪後化爲龍

梭化龍

陶侃漁於雷澤得織梭掛壁後雷電化爲龍去  
韓詩云古鼎跳水騰龍梭

杖化龍

後漢費長房旣遇仙翁欲求道而顧家人爲憂



翁乃斷一青竹度與長房身齊使懸之舍後家人見卽其形以爲縊也遂葬之長房隨翁深入羣虎中留使獨處長房不恐又臥於空室以朽索懸萬斤石於心上衆蛇來嚙索且斷長房亦不移翁曰子可教復使食糞中蟲臭甚長房意惡之翁曰子幾得道恨此不成長房辭歸與一竹杖曰騎此任所往則自至可以杖投葛陂中又爲作一符曰以此主地上鬼神長房須臾歸自謂去家通經旬日已十餘年以杖投陂卽化龍也遂能治療衆病鞭笞百鬼後失其符爲衆



鬼所殺

葉化龍

史生遊華山有一紅葉大如掌紅殷可愛隨流而下史接置懷中坐頃覺懷中冷重探視之見葉粟粟若蠕動驚棄林中烟起葉上須臾風雷大至化爲龍而去

筆化羹

有生甚貧遇人遺虎毛紅管筆曰所須但呵筆卽得生歸告婦一日晚思兔頭羹連呵得數盤

杯化鴿



晉王敦將圖不軌詢諸敦璞璞曰公若起事必  
不久敦大怒曰我事不久卿壽幾何璞曰我命  
盡在今日午時死在緋衣人手敦曰我令青衣  
人戮汝旣戮之青衣人乃裴姓敦方恚時許旌  
陽以酒杯擲于梁杯化爲鴿衆仰視鴿旌陽乃  
隱身矣

錢化蝶

杜陽編唐穆宗時禁中花開夜有蛺蝶數萬飛  
集花間宮人以羅巾撲之無有獲者上令張網  
空中得數萬遲明視之皆庫中金玉錢也



鳥化鳧

王喬爲葉縣令有神術每月朔日常自縣詣臺朝帝恠其來數不見車騎密令太史伺望之言其臨至輒有雙鳧從東南來於是候鳧至以網張之但得一雙鳥乃詔尚方譎視則曰所賜尚書官屬履也

械化楓

互見楓

黃帝殺蚩尤擲其械於朱山之上化爲楓林

廣

軒轅記

几化麋



葛仙翁憑洞木几於女凡山學數十年登仙几  
化爲白鹿三足時出於山上

神仙傳

卉化類

稻化蚕

千寶云稻化蚕麥化蝶凡卉物之生卽有微虫  
蘊于內及其盛極反常時至氣化殊形暗變異  
狀潛更各因所稟而然也

蔬化蝶

佃云嘗見園蔬其葉有爲蝶者三分二已蝶矣

六一尚葉



草化獸

續漢書靈帝時東郡陳留濟陰諸縣界有草生其莖大如指狀似鳩雀龍蛇鳥獸之形五色各如其物毛羽頭目足翅皆全

樹化牛

千歲樹精化為青羊萬歲樹精化為青牛始皇伐大樹有青牛躍出入水

玄中記

杞化犬

朱孺子幼事道士王元正居大若岩一日汲於溪見二花犬逐之入枸杞叢下掘之根形如二



犬烹而食之覺身輕飛於峯上續仙傳去家千里

勿食蘿摩枸杞言強盛陰道也草本以杞為糧以

菊為糗春食苗夏食葉秋食花實冬食根坡祀

苓化龜

松柏脂入地千歲化為伏苓嵩高山有大松樹  
或百歲或千年其精變為青牛為伏龜採食其  
實得長生

米化丹

麻姑至蔡經家經弟婦新產麻姑撒米於地皆  
成丹砂所以祛穢也神仙傳



松化石

六帖回紇拔野古有川曰康于河斷松投之三年輒化為石色蒼緻然節理猶在又謂之康于石

梅化杏

梅南枝向煖北枝寒北人移植之則化為杏亦猶橘北則為枳蓋其方輿之氣使然也

橘化枳

考工記橘踰淮化為枳宴子曰江南為橘江北為枳



絮化萍

萍一作蘋大者曰蘋沉於水中一曰水花又曰水白一夜生子世說楊花入水花爲萍薩天錫曰柳花到了作浮萍酒德頌云萬物擾擾焉若江漢之浮萍蓋謂漂泊水面而無根帶也

菜化蓮

李及之知潤州園中菜花悉是蓮花仍各有一

佛坐花中形如雕刻

筆談

腐化類

草腐化螢



季夏之月腐草化爲螢仍以腐爲之食格物論  
螢是腐草及爛竹根所化初猶未如蟲腹下已  
有光數日卽變而能飛然生陰濕地在大暑前  
後得大火之氣而化此卽照也一名丹鳥大戴  
禮丹鳥養羞其謂之羞者重其養也凡有翼者  
爲鳥羞也羞者進也古今注螢一名炤燐燐者  
火之微名一名丹良一名暉夜一名夜光一名  
霄燭一名熠耀又云熠耀非蟲名詩倉庚于飛  
熠耀其羽是已

菌腐化蜂



菌非一種以其所產之地不同也今以植而化  
動腐而化生其亦氣使然也

朽木化蟬

大者蠋蚘馬小者蟥螿蝻蛄蠋范未脫殼名腹  
育杜西掘樹根見腹育附朽木剖視之腹尤實  
朽木是朽木所化為蟬也

麥濕化蛾

晉永嘉中梁州雨十旬麥化為飛蛾

述異記

莧汁化鼈

鼈并列切俗作鼈一名神守爾雅三足者為能



傳曰鯀化爲黃能易離爲鼈注云以其剛在外也九肋者勝目吻腹下天字者不可食其甲以赤莧包置濕地卽化生今有齶其肉而屑之者搗莧汁沃之經旬卽化爲鱉如細蠶然舉而投諸池謂之種鱉

壞裙化蝶

蝶說文作蜨從蟲走聲俗作蝶一名胥然其化也甲能療瘡有七尖九尖多者愈勝取其甲與其亦襲人之氣之所致歟

桑癩生蠹



地牙眉要 卷四十一  
桑木名蠶所食葉者也歲久蠹生于內則瘡猶人之患疽癘也

瓜熟生蛆

邵子云衣到弊時生蟣虱瓜當熟後足蟲蛆氣化所致理勢之必然也

醃酸生蝻

一名醃雞亂飛如蚊而小一名蝻苳莊云苳與蝻同醃酸而蝻聚蝻苳生乎腐蠶卽黃甲小蟲也孔子曰丘之於道其猶醃雞歟劉師道詩醃雞甕裏天



增修罕雅廣要卷第四十一

神異門

秀水卜世昌男卜不凡全校

靈異類

撰搜神記

晉于寶嘗病氣絕積日方悟見鬼神事遂撰搜神記示劉惔惔曰卿可謂鬼神之董狐者矣

本

作無鬼論

阮瞻素執無鬼論一日有客詣瞻談名理有才辨良久及鬼神之事客作色曰鬼神聖賢共傳君何言無耶僕便是鬼變為異形須臾消滅



著無佛論

運使張商英之初未探佛理也凝神構思立論云無佛夫人問夜久胡不寐荅云著無佛論夫人曰既云無佛何論之有公大有省後深造佛理更著護法論號無盡居士云

天女降浴

武帝時張寬從祀甘泉至渭橋有女子浴於渭水乳長七尺上恠問之女曰帝後第七車知我乃寬也對曰天星主祭者齋戒不潔則女人星見



天女降婚

並見星化女七寶枕輜輶降生三類當互看

閻浮提王

翰苑名談寇萊公有妾舊桃侍南遷再移光州  
桃立曰妾前師事仙人爲俠今將別去敢有所  
託願葬杭州天竺寺公諾曰公去非久也曰何  
之桃曰公常爲地下王者浮提王也公不久亦  
亡有王克勤見公於曹州境上詢後騎云閻浮  
提王交政也果爲閻羅王

乘鹿司糾



古今詩話呂晦爲御史出知安陸一日燕坐忽  
見碧衣人云賜公清涼丹一粒吞之不見公捐  
館朱明復渡湘見公乘玉角青鹿左右數百人  
明復拜曰公已仙乎公曰吾侍上帝南游口占  
一篇末句云我今從帝爲司糾更有何人直栢  
臺

芙蓉城主

歐公詩話石曼卿卒後有人見之言我今爲仙  
所王者芙蓉城欲其人與游不得忿然乘一青  
驪去如飛



芙蓉館主

括異記慶曆中有朝士晚赴朝見美人二十餘  
兩兩並馬面行丁度按轡於後朝士驚問有一  
人最後曰迎芙蓉館主而行丁果卒

爲修文郎

晉蘇韶旣死而甦弟節問地下事韶云顏淵卜  
商爲地下修文郎

文山爲神

郭元益廬陵人嘗從文山天祥游亦曾驅馳兵  
間元貞丙申居家抱病而死但心膏間微煖未



殮經宿還魂云有黃巾人追至一所若公府見一金紫如王者狀坐於殿上某私問吏卒云殿上官何人荅曰卽文丞相也某私喜曰與丞相有舊必蒙周庇因上殿方一揖間文公曰朋友間吾豈不能回護汝但數至此柰何汝可回去區畫家事卽來郭如其言與家人敘別分付了當方死

古心爲神

宋提刑疊山謝枋得嘗謂有淮人林月溪者誠感上帝曾爲裕齋馬公之客至元丁丑以無疾



死爲一卒攝至冥府到一官舍榜曰泰山府君之殿卒領林入謁坐殿上者裕齋馬公也公引林入內堂道舊事極其款密林曰某被追至此有何罪乎馬曰吾爲泰山府君爲門下二寵枉死事不得明白故請門下過此以決曲直君之壽限儘多但母啗此間飲食少頃即可回去古心江先生見充閻羅天子因引林訪之林賀曰先生生爲宰相沒爲閻王可謂盛事古心蹙額謂曰沒爲鬼官是豈予心所欲哉林曰某回去不知作何功果可以資助二先生出離鬼官幸



明以教我庶有以報先生之恩二公相顧謂林  
曰旣辱厚意請往隆興府托西山道院徐道人  
爲設齋醮或者可以感動上帝耳言畢相辭而  
出林甦經道隆興尋訪徐道人述以前事徐道  
人乃一放蕩不羈之人索一百二十貫錢爲建  
道場乃留三十貫於紙鋪委令造紙錢餘者悉  
以爲酒食之資林侯侯月餘徐道人方且齋戒  
就道堂打坐一日至晚將紙錢燒化賀林云善  
功圓滿當時林甚不滿道人所爲越三日夢二  
公來謝云已得徐道人齋醮之功行得替罷自



此出離幽關矣感應之速如影響則徐道人者  
善及幽明信非區區之學仙之流也

雷轟福碑

范文正公饒有書生上謁自言饑寒時盛稱歐  
陽率更字薦福寺碑直千金范為打千本紙墨  
已具一夕雷轟其碑語曰有客打碑來薦福無  
人騎鶴上揚州

墨客揮犀

雷擊黨碑

元祐所立姦黨碑以司馬溫公為首一日為雷  
所霹張山人有詩昨夜風雷起擊碎姦黨碑若



問山人謂山人不自知

雷破倚柱

夏侯玄倚柱讀書暴雷霹靂破所倚柱玄色無變

雷雨墜巾

蘇子瞻云蜀青城山老人村溪中多枸杞根如龍虵村飲其水故壽一日雷雨經其處有老人宅中獲遺巾非帛非革製若直縫縫者有二結帶知其神物不敢藏於家置諸村社廟中三日雷殿復取去



阿香推車

續搜神記義興人姓周永和中出都日暮道邊  
有一新草舍見一女子出門周曰日暮求寄宿  
向一再問外有小兒喚曰阿香官喚汝推雷車  
女乃辭去明朝視宿處乃一新塚

梨岳降雨

史宇之以大觀文殿學士判建寧府值天時亢  
旱郡有神靈於梨岳一日禱於祠曰神爲血食  
此土之神某奉君命守土之臣斯郡久旱苗稼  
將枯神不降雨我心遑安今灑酒二神飲其一



某飲其一若神降甘澍保奏朝廷厚其封贈其  
或不雨毀像焚廟史公舉盃一飲而神前盃酒  
已竭矣甫出門陰雲四合雨卽霽霈與萍俱下  
水已帶土氣雨止西河之水已竭乃知神運河  
之水以爲雨也

誌公擲錫



誌公見涇州潛山奇絕將謀建刹時白鶴道人  
亦謀之請於梁武帝帝令各以物誌其地者得  
之已時鶴先去至麓將上  
於麓鶴乃次之道人



羅什食針

晉鳩摩羅什姚興以妓女十人逼令受之諸僧效之羅什曰能食此針者可蓄室因舉七進針僧乃止

呂翁踐錢

宋景定間邵武軍衙前殷氏香紙店常供雲水道人每以當三銅錢施之未常少倦一日有道人持機扇登門乞錢適逢殷以他事遷怒形於色連以三錢擲在機扇中遂流于地道人以足踐之不顧而去殷乃自拾元錢則已固結磚上



地雅原要 卷四十一  
不能動矣觀者駭異道人杳然不見殷以鋤空  
出磚見磚背有詩曰平生大願度三千直到如  
今不得圓特特此來應有意可憐殷氏骨難仙  
今此石砌在城隍廟中可考

謝仙書柱

國史祥符中岳州玉仙觀爲天火所焚惟留一  
柱有謝仙火三字倒書而刻之後問何仙姑云  
仙火者雷部中鬼也

江妃解珮

列仙傳江妃二女佩兩明珠大如卵遊江漢之



濱鄭交甫逢而說之不知其神也曰願請于之  
佩二女解而與之行數步二女俱不見佩亦失  
之

河神欲弁

楚子爲瓊弁玉纓夢河神謂已曰畀予賜汝孟

諸之糜

倍二十八

河神擲璧

博物志孔子弟子澹臺滅明字子羽齋千金之  
璧于河上遂發洪波起兩鮫挾船子羽左操璧  
右操劍擊蛟皆死旣渡投璧于河河伯躍而歸



之子羽毀之而去

江神還刀

開元中王昌齡舟行馬當山遇風命賫酒帑以祭誤投金錯刀於水中忽有赤鯉躍入舟中剖腹得刀

合浦還珠

博物志孟嘗爲合浦太守郡境舊採珠以易米食先時二千石貪穢使民採珠積以自入珠忽去合浦無珠餓死者盈路孟嘗行化一年之間而去珠復還



澤神見霸

齊侯出澤見衣紫衣大如轂長如轅拱手而立  
侯歸而有疾數月治不愈有皇七者曰我能治  
之見王語曰物惡能傷公公自傷耳所見者澤  
神委蛇也霸者見之公大喜數日而愈

管子

河神縮水

後魏爾朱兆襲京邑人夢河神爲縮水脈及兆  
至有行人言知水淺處導焉遂策馬涉渡直叩

宮門

史

竈神踊出



地雅風要卷四十一  
嵩山廟神極靈異中有一竈絕不可近遠邇祀  
之無虛日有禪師至廟以杖擊竈三下曰竈本  
泥土合成聖從何來靈從何起乃敢恁麼烹宰  
衆生言訖又擊三下竈乃應手破墮有一青衣  
峩寇踊出向師拜曰某實此廟竈神久受血祀  
今蒙師爲說無生法忍已得脫離此處生天矣  
敢不敬謝人因號師爲破竈墮云又陰子方祀  
竈忽見竈神現于前自此大富擬於王者

松叟訴傷

東峽山飛來殿有一古松大觀間爲皇城使錢



師愈從者釜其根脂遂流液殿直錢吉過寺夜  
夢松化叟告曰吾非圓首方足特植物中含靈  
性者昨被錢師愈從者斫吾腠取脂代燭今尚  
流血幸君爲吾告寺主令補治庶不爲盲風搖  
撼得終天年拜賜不淺矣吉黎明促行遂不及  
告及見縣令錢錄因與言之錄乃至寺驗視與  
吉言無異重爲培之松復鬱然

湖君如願

有商人歐明見青草湖君君問所須但乞如願  
君許之後得一婢名如願商有求悉致之後因



正旦如願晚起商撻之走入糞壤中不見今人  
正旦以細繩繫偶人投糞中云令如願

歲時記

### 水神一怒

洞庭君謂柳毅曰寡人愛弟昔為錢塘長勇過  
人堯時洪水九年乃此人一怒也

共聞錄

### 共工觸山

列子湯問篇昔者女媧氏鍊五色石以補天闕  
斷鰲足以立四極其後共工氏與顓頊爭為帝  
怒觸不周之山天柱折地維絕故天傾西北日  
月星辰就焉地不滿東南百川水潦歸焉不周



山名

江神掣扇

冷齋夜話云王榮老嘗官于觀州罷官渡觀江  
七日風作不得濟父老曰公舟中必有奇異此  
江神極靈當獻之得濟榮老顧無所有止有黃  
塵尾以獻之風如故又以端石硯獻風愈作又  
以宣包虎帳獻之皆不驗夜臥念曰有黃曾直  
草書扇頭上題韋應物詩曰獨恰幽草澗邊生  
上有黃鸝深樹鳴春潮帶雨晚來急野渡無人  
舟自橫開函視之若有掣奪之者天水鏡靜



世雅廣要  
卷四十一  
獲渡 詩話

龍君獻方

孫思邈京兆人談老莊步醫藥居太白山唐太宗召欲官之不受開元大旱胡僧祈雨壇於昆明池側七日水縮數尺其龍化爲老人求救于邈邈曰願得仙方則救老人曰上帝不許妄傳今無恡乃得其方自是池溢岸矣

老姥授簡

漢何比干有老姥年百八十餘求避雨雨甚而衣不濕比干延入乃曰君之先有陰功今天賜



之策如簡長九寸授之曰子孫佩者富貴言訖  
不見

幽明錄

### 湖君吹笛

賈客呂筠卿泊舟君山側命酒吹笛數曲忽一  
老父拏舟而來袖出三笛其一人如合拱次如  
常管又次如細筆管因請吹之老父曰大者諸  
天之樂不可吹次者對洞府諸仙合樂亦不可  
吹小者是老身與朋儕可樂者試爲吹之不知  
可終曲否吹二聲波濤沆瀣魚龍跳噴五聲六  
聲君山鳥獸叫噪月色昏昧舟人大恐一吹遂



鼈使望候

漁人泊舟馬當山下見一大鼈直上頂四望  
頃之江中湧出一綵舟上有十餘人會以妓樂  
甚盛久之值巨艦東下綵舟乃沒鼈亦下死岸  
側意者水神使此鼈望候不知有巨艦來故極  
之白氏六帖

鼎湖墜弓

黃帝鑄鼎荆山下鼎成有龍垂胡髯下迎羣臣  
後宮從上者七十餘人小臣悉焚龍髯髯拔墜



黃帝弓百姓抱弓而號後名其處曰鼎湖弓曰

烏號

漢郊祀

龍公鑄鏡

館

異聞錄天寶中揚州進水心鏡一面清瑩耀目  
背有盤龍勢如飛動玄宗覽而異之進鏡官李  
泰曰鑄鏡時有老人自稱姓龍名護引一小童  
衣黑衣呼爲玄冥至鏡所謂鏡匠呂輝曰老人  
解造真龍鏡爲汝鑄之扃戶三日已失所在爐  
前獲書一紙歌曰盤龍盤龍隱於鏡中分野有  
象變化無窮典雲吐霧行雨生風上清仙子來



地牙履要卷四十一  
獻聖聰呂輝等以五月五日移爐於楊子江心  
鑄之背龍頗異後大旱祠之乃雨

### 河伯娶婦

西門豹爲鄴令鄴三老廷掾歲斂民錢爲河伯  
娶婦巫嫗視小家女好而貧者聘取如嫁禮令  
女坐牀席浮水中待沉豹往觀之呼女曰是女  
不好煩巫入報河伯更求好者投之不報復以  
三老一人投之又不報曰是皆不能自專煩廷  
掾豪長一人趨之衆皆扣頭流血告免民大驚  
自此不復敢言



墓女幽婚

孫氏志恠曰漢盧充家西四十里有崔少府女墓充因獵忽見朱門官舍有人迎充見崔云近得公食府君書爲君娶君女故相邀爾書示乃充亡父手札崔命女妝飾於東廡相見成禮留三日臨別謂充曰君媿已有娠矣生男則當留之充至家經三年三月三日臨水戲忽見二犢車水上乍沈浮達岸視車中崔氏與三歲兒共載其別車卽少府也抱兒還充及詩一首金椀一枚俄而不見後兒長歷任數郡



娶鬼方女

陸佟娶鬼方國君之妹孕三年左脅三人出右

脅三人出

帝系

廟神奪筆

書

廣德軍祠山張大帝廟郡人事之甚謹唐士羅  
隱名彰天下所至之處鬼神無不爲之譏諷嘗  
過斯廟題詩於壁曰踏遍天涯路平生不信邪  
方欲書後二句其手筆俄如人拽起狀聞人語  
曰若後二句不佳卽折爾手羅悚然續題曰祠  
山張大帝天下鬼神翁其靈異如此



羣蠅拜賀

術士相郭代公云有青蠅拜賀者及第一日坐  
家庭忽有蠅作八行立約數萬折躬者一良久  
乃去

青陽記

六丁取易

唐王遠知善易一日雷霧中一老人叱曰所泄  
書何在上帝命吾攝六丁雷電追取遠知掘地  
旁有六人青衣已捧書立矣遠知曰青丘元老  
傳授也又龍城錄云台州道士善易天官叱六  
丁雷電下取之得書後梁節王傳從官卞忌自



言能使六丁蓋從甲子旬丁卯爲神其神可使  
致遠方物及知吉凶

青衣報赦

符堅屏人作赦文有大蠅入室聲甚厲驅之復  
來俄而人皆知有赦詰所得皆云有青衣童子  
呼街中乃蠅也

白帖

柳神彈指 互見柳

李固行古柳下聞彈指聲問之曰吾柳神也  
君用柳汁染子衣矣得藍袍當以棗糕祀我未  
久及第

三峯集



朱衣點頭

歐陽公知貢舉每考卷坐後覺有一朱衣人點頭然後其文入格

錢神冠帔

博異志岑文本山亭避暑有叩門云上清童子元寶參奉冠清圓用冠衣淺青衣自漢得理我本生於吳得不凝滯之道問冠帔乃曰僕外服圓而內方正此是上清五銖服也出門至墻下不見文本掘之一古墓中唯見一古錢方知上清童子銅名元寶錢文也外圓心方錢之狀也



五銖亦錢文也乃漢朝所鑄自是錢帛日盛官  
至中書令忽失古錢遂衰

墓鬼談玄

陸雲夜迷路至一家便室宿見一美少年與談  
老子辭致深遠向曉辭去行十里問昨宿處乃  
王弼塚也自此談老殊進

本傳

井龍出鏡

博物志唐天寶中有陳仲躬里中有井好溺人  
一日有敬元穎謁曰此井有毒龍殺人昨夜已  
朝太乙淘之則難免矣命匠人獲鏡夜元穎



謝曰某本師曠所鑄十二鏡中第七者  
中爲毒龍所殺幸遇君子重見人間其鏡  
二十六字科斗書曰維晉新公一年七月七日  
午時於首陽山前白龍潭鑄成此鏡千年後出  
於背上環書一字管天文一宿依方列之則左  
有日右有月龜龍虎雀各依方安焉於鼻下顯  
曰夷則之鏡

佩刀生毛

漢武出淮陽到監鄉問此何名陳翼曰監鄉上  
曰可欺乎翼曰臣言不欺佩刀當生毛視之果



有毛長寸餘宣哀宇記

事破鬼膽

李果為洛陽令有劉兼者過其境夜聞戶外語曰古今正人李令是也見其行事令人破膽我輩可於他縣血食兼開戶視之無物乃鬼神也天寶遺事

蜂呼孔昇

龍門寺異蜂大如鵲僧網至籠中明日大蜂至籠邊呼孔昇翁僧異而放之

增修雅廣要卷第四十一



增修埤雅廣要卷第四十二

神異門

秀水卜世昌男卜不九全

恠狀類

鼠具衣冠

書

中山土周南正始中爲襄邑長有鼠衣冠出廳  
事語曰爾某日當死周南不應至期復出冠憤  
絳衣語曰爾日中當死復不應日適中鼠曰周  
南旣不應死我復何道遂顛蹙而死卽失衣冠  
視之如常鼠也

犬戴巾帽



桂陽太守汝南常叔堅少時為從事狗如人立而行家人皆請殺之叔堅曰犬馬喻君子狗見人行效之何傷叔堅為縣送解冠榻上犬戴而走家人驚謬復云誤觸冠冠之掛着耳狗又於竈前畜火家益恠異復云兒婦在田中狗助畜火幸可不煩隣里此又何恠後數日狗自暴死卒無他異叔堅終享大位

癭葆黃冠

見癭中葆

渚恠畏犀

晉溫嶠過牛渚磯水深不可測

傳其下



物遂燃犀角而照之須臾水底火見奇狀或乘車馬著赤衣者嶠夜夢人曰幽明何意相照意甚惡之

廟鬼奪扇

書

范質字文素後唐舉進士漢周禪代隱民間一日坐茶肆中時有持扇題詩云大暑去酷吏清風來故人忽一人貌恠陋前揖曰酷吏何止大暑相公他日當究此弊遂持扇去不見後至一見土水神肖似扇亦在公心異之仕周首定刑統宋建隆拜相封魯國公

聞異錄



路鬼笑扇

東京未陷時有遠郡士人游太學有道人持  
扇緣化士傾篋施之道人受施無饜心士人與  
之無吝色一日急勸士人還謂之曰貧道無以  
爲贈以此扇與官人遮日所過鄉洛或有人羣  
笑此扇則是鬼也切不可駐足共無人笑此扇  
時方可緩緩行則以此扇從便棄之言訖長揖  
而別回首送人亦不復見心疑異之士人持扇  
在手急走每過一處則見數十人或見三二  
人或百十人相逐來觀羣衆指  
行甫兩口



來自後者則云東京已陷工人  
驚兼程而  
又行兩日而笑者漸少及更三數日不復  
者矣士人乃思道人之言遂將此扇棄之日中  
而去行至十里復自念曰道人以此扇遺我保  
全性命今既至此豈可忘而棄之再至原處拾  
取則見扇已化爲骷髏矣

驛鬼擲書

見隱語類

廟判帶箭

至元癸巳袁州熊嶺村落間路傍有小店惟一  
老婦同一子居之每夜二更餘有一虎蹲坐於



地形圖要 卷四二  
春堂之上忽一晚有軍三四人來投宿婦以虎  
欲之衆軍曰我有鎗刀弓箭不怕他乃共宿一  
房至中夜月明老婦曰虎來矣衆軍於牕內竊  
視之果爾遂連施數箭虎帶箭而去明日衆軍  
與老婦共隨血路而尋其蹤乃在一廟判官身  
上投箭而擊碎之腹中尚有猪犬毛口角尚有  
血存自此虎不復有矣

屏婦歌舞

楊妃外傳水晶屏上刻美女遺國忠一日  
臥屏上諸女悉下通名曰常人也步



也桃源人也云云凡十五人此媒之先見也

未幾果敗又元和初士人見古屏上婦人

床頭踏歌曰長安女人踏春陽無處春陽不

腸舞袖弓腰渾忘却娥眉空帶九秋霜云云士人

驚叱之忽上屏雜俎

### 洞天冥會

僧孺遇薄后潘妃王如戚妃作詩云衣風引到

大羅天月地雲階拜洞天共道人間懨悵事不

知今夕是何年后曰今夕誰伴牛秀才戚辭潘

亦辭曰東昏以玉兒故身死國除不擬負他乃



地界履要 卷四十二  
令王昭君夕焉周秦行記月地雲階漫一樽玉  
奴終不負東昏坡云奴當作兒

猪食寄書

僧卜聰遊五臺有僧以書寄東京勃至京不見  
其人一日見小兒逐大猪名勃賀云此猪能令  
羣猪不亂逸愛食薄荷故名以書投猪食之人  
立而化 洞微志

花月言笑

六帖武三思有妓名素娥有殊色 狄梁公  
之忽失所在於堂奧中開蘭馨 馥附耳



人也奏云臣終南山進十鍾指 夢覺疴

瘳

鬼母食鬼

南山小虞山有鬼母一產千鬼朝產之暮食之

述異記

鬼笑營利

劉伯龍家貧甚在家將營什一之利忽一鬼在旁撫掌大笑龍嘆曰貧窮固有命乃為鬼笑耳

仁南朝宋為武陵太守 南史

鬼不識蟹

里九生書行一



筆談關中無蟹秦人收徂

乾蟹土人恠其形

以爲恠物每人家有病瘡者借去懸門戶往往遂瘥不但人不識鬼亦不識矣

鬼患腰膂

宋徐秋夫善醫夜有鬼言生患腰痛爲鬼猶痛請爲芻人案孔穴針之秋夫爲針三處灸四處明日來謝恩忽不見

史

妖物類

桑穀生朝

宅有祥桑穀共生于朝七日

太戊問



陟伊陟曰妖不勝德君之政其  
闕然太  
是修先王之政明養老之禮早  
晏退問  
喪三日而祥桑枯死

野雉升鼎

武丁祭成湯有飛雉升鼎耳而雉祖已訓訪工  
武丁內反諸已以思王道三年變夷編髮重譯  
來朝者六國自是章服多用翟羽野無道武  
丁伐而三年克之殷道復興號為高宗

野雉在庫

晉武庫中有野雉莫知所  
張華曰雉則必有



蛇蛻焉蓋蛇化雉也

猪肝中讖

白浦民割猪肝肝中有一紙大如手色如新書  
云烟樹蒼蒼明年無糧次年巢寇起州郡多荒  
野狐升座

宋徽宗七年九月有狐升御榻而坐時令使  
奉和來

青蛇見座

靈帝二年夏四月青蛇見御座上  
大風雨  
詔公卿言事光祿勳楊賜曰  
心有所



未形顏色而五星以之推移  
皇極不建則有龍蛇之孽詩云惟虺惟蛇  
之祥惟陛下思乾剛之道別內外之宜  
之權割艷妻之愛則蛇變可消  
禎祥立應賜事  
之子也

龍漿化龜

見漿化龜

雌雞化雄

雄鷄生角

漢元帝時有雌鷄伏子漸化為雄又有雄鷄生  
角劉向以為小臣執政  
石顯伏誅之効也



靈帝時南宮寺雌雞欲化

雄但頭冠未變蔡

邕謂下將有事而未成之象果有黃巾賊叛而

未成

雛雞四足

北魏主時崔光曰雞足多翼多其下扇動之象  
後果茹皓等伏誅

貓鼠同乳

代宗時藩鎮跋扈帝乃因循柔原姑息從  
度使朱泚獻貓鼠同乳以為端

鳥鼠同穴





浙江圖書館





浙江圖書館





浙江圖書館





浙江圖書館







Blue Cyan Green Yellow Red Magenta White 3/Color Black

TIFFEN Color Control Patches

© The Tiffen Company, 2007

Centimetres



浙江圖書館





浙江圖書館



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black